



Акафист

СВЯТОЙ ВЕЛИКОМУЧЕНИЦЕ

Екатерине

Кондак 1

Избранную и венчанную де́ву му́ченицу, невесту Христо́ву Екатери́ну, похва́льными пёсньми воспо́йм, я́ко пресла́вную мучи́теля победительницу и премудрую филосо́фов наста́вницу: ты же, великомученице Екатери́но, иму́щи дерзнове́ние ко Го́споду, приклони́ся ми́лостивне к благопотре́бным проше́ниям зову́щих ти:

Ра́дуйся, Екатери́но, невесто Христо́ва премудрая.

Икос 1

А́нгелом ра́вную чистоту́ иму́щи, свята́я де́во Екатери́но, с А́нгелы Божества́нного озаре́ния сподо́билася еси́, с ни́ми же воспева́ющи Трисвяту́ю песьнь, услы́ши нас, пою́щих тебе́ на земли́ сия́:

Ра́дуйся, честное́ святы́ни жили́ще;

ра́дуйся, чуде́сное зна́мение сбывша́гося на тебе́ Бо́жия Про́мысла.

Ра́дуйся, благоволе́ния О́тча сосúde;

ра́дуйся, страда́ний Христо́вых исполне́ние.

Ра́дуйся, чи́стое Ду́ха Свята́го обита́лище;

ра́дуйся, све́том благочести́выя ве́ры просвети́вшаяся.

Ра́дуйся, свято́ю купе́лию отрожде́нная;

ра́дуйся, измы́вшая ри́зы своя́ в Кро́ви А́гнчей на земли́.

Ра́дуйся, лику́ющая с священными́ де́вами на Небеси́.

Ра́дуйся, Екате́рино, невесто́ Христо́ва премудра́я.

Кондак 2

Ви́дящи Екате́рина себе́ ви́дения сподо́бльшуюся, тече́ к свято́му ста́рцу, ико́ну ей Богома́тере пре́жде того́ вручи́вшему, и пове́да ему́, ка́ко отвраща́ше лице́ Своё́ ей яви́выйся с Пречи́стою Своёю Ма́терию Христо́с, ка́ко безу́мну, и ни́цу, и худоро́дну ю наре́к, до́ндеже не оста́вит идо́льского нече́стия. Преподо́бный же, слы́шав сия́, наста́ви ю в та́инствах ве́ры и

крести́ ю. Она́ же во обновле́нии ду́ха благодарно поя́ше Бо́гу: Аллилу́иа.

Икос 2

Ра́зум благый, благородство и́стинное, богатство неги́блющее стяжа́вши в духо́вном отрожде́нии, свята́я Екатери́на досто́йна яви́ся Небе́снаго Жениха́ Христа́, И́же, па́ки яви́вся ей, возлюби́ ю и дарова́нным пе́рстнем в невесту Себе́ обручи́. Она́ же, позна́вши тако́е к ней благоволе́ние Бо́жие, тако уязви́ся любо́вию Его́, я́ко не му́дрствоваше бо́лее о земны́х веща́х, но о Возлю́бленном своём непреста́нно мы́сляше. Таково́й благода́ти сподо́бльшаяся, слы́ши от нас:

Ра́дуйся, зловоние мирско́е возненави́девшая;
ра́дуйся, в воню́ ми́ра Христо́ва теку́щая.

Ра́дуйся, до́брая любите́льнице Жениха́
Безсме́ртнаго;

ра́дуйся, сокрови́ще благоволе́ния Вы́шняго.

Ра́дуйся, денни́це пресве́тлая;

ра́дуйся, луно́ соверше́нная.

Ра́дуйся, ма́слино, в до́му Бо́жии
насажде́нная;

ра́дуйся, ке́дре, в Лива́не высокорáсленный.

Ра́дуйся, Екате́рино, неvéсто Христо́ва премúдрая.

Кондак 3

Си́ла Вы́шняго даде́ тогда́ святе́й Екате́рине дерзнове́ние, е́же нечествующа́го ца́ря Макси́мина о́ принесéнии и́долом жертв обли́чити небо́язненно, и той пребы́ть безгла́сен на мног час, не могíй протíвиться ея́ глаго́лом. Она́ же, благодаря́щи Бо́га, воспева́ше: Аллилу́иа.

Икос 3

Иму́щи свята́я Екате́рина свы́ше да́нную ей премúдрость, егда́ нечестивы́й ца́рь, поста́вив пред собо́ю, вопроша́ше ю́ о ро́де ея́ и са́не, она́ испове́да себе́ быти́ дщерь ца́рскую, философскія́ и рíторскія́ нау́ки до́бре изучившю́ю, па́че же Христо́ву неvéсту себе́ наименова́, в я́вное отверже́ние и́до́льскаго служéния. Сего́ ра́ди воспева́ем ей си́це:

Ра́дуйся у́бо, Екате́рино пресла́вная;

ра́дуйся, ца́рское свяще́ние.

Ра́дуйся, пчело́, ды́ма и́до́льскаго отлетéвшая,

ра́дуйся, голу́бице, зла́ты крила́ иму́щая.

Ра́дуйся, кади́ло Христо́ва благоуха́ния.

Ра́дуйся, Ека́тери́но, неvéсто Христо́ва
прему́драя.

Кондак 4

Бу́рею я́рости вознеи́стовився царь на святу́ю
де́ву, рече́ к ней: «Не глаго́ли зле о бо́зех на́ших». Свята́я же Ека́тери́на отве́ща: «А́ще восхо́щещи
отрясти́ мрак преле́сти от душе́вных ти очей, уразуме́еши бого́в твои́х ху́дость и позна́еши и́с-
тиннаго Бо́га, Его́же и́мя, то́кмо глаго́лемое, или́
крест, изобразу́емый на возду́се, прогоня́ет бо́ги
твоя́ и погубля́ет. И а́ще повели́ши, явлю́ тебе́ и́с-
тину, пою́щи Бо́гу моему́: Аллилу́иа».

Икос 4

Слы́шав нечестивый царь свободный и му́д-
рый отве́т твой о ве́ре Христо́вой, убо́явся, да не
бу́дет побе́жден от тебе́, собра́ от преде́лов
держа́вы своея́ мудрецо́в, число́м пятьдесят, на
прэ́ние. Ты же, Арха́нгелом Михаилом
утвержде́нная и о побе́де уве́ренная,
возра́довалася еси́ вступи́ти в прэ́ние с ни́ми.
Приими́ у́бо, де́во, от нас похва́лу сию́:

Ра́дуйся, изъявительнице ума́ Христо́ва;

ра́дуйся, херувимское стяжавшая Бого-
позна́ние.

Ра́дуйся, серафимскою воспале́нная к Бо́гу
любо́вию;

ра́дуйся, му́дрых мудре́йшая.

Ра́дуйся, духо́вный меч на неве́рие
изостри́вшая;

ра́дуйся, нече́стия прогони́тельнице.

Ра́дуйся, ве́рных наста́внице.

Ра́дуйся, Екате́рино, невесто Христо́ва
прему́драя.

Кондак 5

Боготе́чной звездé была́ еси́ подо́бна,
Екате́рино, препре́вши пятьдеся́т витий и
наста́вивши их на путь христиа́нский, веду́щий
к пра́ведному Со́лнцу, от Де́вы возсия́вшему
Христу́ Бо́гу, свои́ми му́дрыми глаго́лы, и́же и
осу́ждени бы́вшие за Христа́ на сожже́ние и
напу́тствовани моли́твою твоёю, с ра́достью
идо́ша в огонь, пою́ще: Аллилу́иа.

Икос 5

Ви́дев царю́ющий повеле́ния своя́ в тебе́
пренебре́женны и увеща́ния презре́нны,

обратіся к лукавству, ёже ласканием прельстити
тя, обеща́я полца́рства тебе́ да́ти. Ты же ве́ру
сокро́вищам земны́м предпоче́тши и Жениха́
Христа́ возлюбивши па́че земна́го ца́рства и
оде́жду му́ченичества па́че багряни́цы, отве́ргла
еси́ его́ суесло́вие. Сего́ ра́ди воспису́ем ти сия́
похва́льная:

Ра́дуйся, де́во, лесть обли́чившая;

ра́дуйся, за́пина́теля зми́я попра́вшая.

Ра́дуйся, дще́рь ца́ре́ва;

ра́дуйся, де́во, рясны́ златы́ми оде́янная.

Ра́дуйся, вся́кое веще́ство́ превозше́дшая;

ра́дуйся, на го́ру богови́дения восте́кшая.

Ра́дуйся, све́том богопозна́ния просвеще́нная;

ра́дуйся, труба́ ду́ха, воспе́вшая глас и́стин-
наго богосло́вия.

Ра́дуйся, до́брое ве́ры испове́дание;

ра́дуйся, све́та ева́нгельскаго сия́ние.

Ра́дуйся, зако́нов ве́чных храни́тельнице;

ра́дуйся, на́ша помо́щнице.

Ра́дуйся, Екатери́но, невесто́ Христо́ва
прему́драя.

Кондак 6

Проповѣдникомъ богоноснымъ, апостоломъ поревновавши, дерзновенно предъ лицемъ мучителя проповѣдала еси Христа, истиннаго Бога, Емуже в ранахъ и в темнице пѣла еси: Аллилуиа.

Икос 6

Воссиявый в сердце твоёмъ светъ истиннаго богоразумия отгналъ есть мракъ скорбей, иже не остави тя алкати, голубицею пищу ти посылая, ниже стужати о болѣзни, посетилъ бо Самъ ты в темнице, ободряя и многи венцы обещавая. Ты же, терпеливодушная, симъ паче укрепилася еси и царицу Августу и воеводу Порфиріа, с воины притекшихъ к тебѣ, обратила еси к свету веры Христовой и научила пѣти тебѣ сия:

Радуйся, мироположнице Божественныя любви;

радуйся, адаманте крепкій.

Радуйся, вино чудес неизреченныхъ;

радуйся, врага терпениемъ убившая.

Радуйся, язвы Господа на теле своёмъ носившая;

ра́дуйся, ца́рице А́вгусте с прише́дшими к
му́ченическому по́двигу путе́наста́внице.

Ра́дуйся, я́ко во тьме свет была́ еси́;

ра́дуйся, я́ко Сам Госпо́дь, Свет ми́ра, тебе́, в
темни́це бы́вшей, Себе́ яви́л есть.

Ра́дуйся, уз грехо́вных ско́рая реши́тельница;

ра́дуйся, боле́знующих ско́рая целе́бнице.

Ра́дуйся, помо́щнице на́шего спасе́ния.

Ра́дуйся, Екате́рино, неvéсто Христо́ва
прему́драя.

Кондак 7

Хотя́щу безбо́жному царю́ приве́сти тя к
ме́рзкому идоло́служе́нию, па́ки се́ти подсти́лает
тебе́, прему́драя, е́же улови́ти тя ле́стно
похва́лою красото́й твое́ю; ты же красото́у вещь
привре́менну и скоропрехо́дну именовала́ еси́,
Христа́ же испове́дала еси́ Бо́га жи́ва и и́стинна
и пе́ла Ему́: Аллилу́иа.

Икос 7

Но́вую показа́ царь я́рость и безчелове́чие,
повеле́в епа́рху колéсами растерза́ти
де́вственное, чи́стое и свято́е те́ло твое́, но чу́
де́сно руко́ю А́нгела а́бие разреше́на была́ еси́

безвредна и колеса на части сокрушены, имиже многи от неверных убиены, яко удивися сам царь и предстоящий народ, иже и взываше: «Велик Бог христианский». Мы же, чудящися сему, взываем тебе:

Радуйся, мученице, Ангелом честная и говейная;

радуйся, славо полков страдальческих.

Радуйся, светлая на враги победа;

радуйся, страх неверных.

Радуйся, сосуде множайшия силы Божия;

радуйся, радование верных.

Радуйся, Екатерино, невесто Христова премудрая.

Кондак 8

Странное славы изменение и за Христа страдание царицы и воеводы с воины видевше, устранимся любви мира и плоти и вперим себе к разумению Бога, Сей бо есть красота, и слава, и венец нам, поющим: Аллилуиа.

Икос 8

Весь сла́дость, весь жела́ние тебе́, свята́я
Екатери́но, бысть Иису́с: сла́дце бо Его́ ра́ди
го́рькия му́ки терпе́ла еси́ и ски́петр,
предлага́емый тебе́, попрала еси́, предзря́щи
бу́дущее воздая́ние. От нас же прими́ похва́ль-
ная сия́:

Ра́дуйся, чи́стая, чи́сте Чи́стаго возлюбив́шая;
ра́дуйся, го́рлице, Кра́снаго Жениха́ в
пусты́не до́льного ми́ра вожде́лев́шая.

Ра́дуйся, воню́ риз Его́ благоухав́шая;
ра́дуйся, я́ко се́рна на гора́х арома́тских
иска́вшая Рожде́ннаго пре́жде холмо́в ве́чных.

Ра́дуйся, по́двиг страда́льческий ра́ди любве́
Христо́вы соверши́вшая;

ра́дуйся, лик му́ченический Бо́гу приве́дшая.

Ра́дуйся, я́ко витии тобо́ю получи́ша Ца́рство
Небе́сное;

ра́дуйся, я́ко то́еже тобо́ю получи́ти ча́ем.

Ра́дуйся, покрове́ и забра́ло на́ше.

Ра́дуйся, Екатери́но, невесто́ Христо́ва
прему́драя.

Кондак 9

Все естество́ а́нгельское возра́довася ра́дос-
тию, зря́ тя, Ека́тери́но, победивши
миродер́жца, шествующую́ к премирным́ яко́
победоно́сную воево́ду, в послéдовании полка́
страда́льского, и воспе́ побéдная, взыва́я:
Аллилу́иа.

Икос 9

Витии́ многовещáннии заусты́шася: не
возмо́гше бо противовещáти богодухнове́нным
словесéм твои́м, молча́нием почита́ют дарова́ния
твоя́; мы же, немощни́и, ка́ко мо́жем отвёрсти
уста́ на хвалы́ твоя́? Одна́ко дерза́ем и мо́лим,
сподо́би, благая́, безбе́дно принести́ тебе́ песнь
сию́:

Ра́дуйся, орга́не Ду́ха Свята́го;

ра́дуйся, зарé неизрече́ннаго осия́ния.

Ра́дуйся, догма́тов Божéственных пучи́но;

ра́дуйся, хитросте, препрэ́вшая филосо́фов.

Ра́дуйся, ча́ше премудрости;

ра́дуйся, плетéния витий́ растерза́вшая.

Ра́дуйся, плени́цы грехо́вныя разреша́ющая.

Ра́дуйся, Екате́рино, неvéсто Христо́ва
прему́драя.

Кондак 10

Спасти́ хотя́щи ду́шу твою́, о теле́ твоём
неради́ла еси́, Екате́рино, и на ме́чное усече́ние,
мучи́телю да́вшу на то изрече́ние, ты ра́достно
потекла́ еси́, пою́щи Свято́му Безсме́ртному:
Аллилу́иа.

Икос 10

Стена́ твёрда и непреодоли́ма яви́лася еси́
жена́м, тебе́ на ме́сто усече́ния провожда́ющим
и с рыда́нием тя жестокосе́рду к себе́ и
безразсу́дну быти имену́ющим: я́ко не пощади́ла
еси́ сла́дкого живота́ в цве́те ю́ности, я́ко
презрела́ еси́ земно́е предлага́емое ца́рство и
блаже́нство. Ты же воспрети́ла еси́ неполе́зный
плач их и суесло́вие, теку́щи скорей́ше
соедини́тися чрез сме́рть со своим
Возлю́бленным, того́ ра́ди слы́шиши:

Ра́дуйся, ра́достно за Главу́ Це́ркве Христа́
под меч главу́ свою́ приклони́вшая;

ра́дуйся, до конца́ претерпе́вшая.

Ра́дуйся, тече́ние до́бре сконча́вшая;

ра́дуйся, я́ко ни ско́рбию, ни ра́нами, ни ме-
че́м с пу́ти Христо́ва испове́дания не
соврати́лася еси́.

Ра́дуйся, я́ко пла́мень любви́ в исто́чнице кро́-
ве неугаси́мь соблю́дшая;

ра́дуйся, му́чеников красото́.

Ра́дуйся, крѣпкое христиа́н прибе́жище.

Ра́дуйся, Екатери́но, невесто́ Христо́ва
прему́драя.

Кондак 11

Пе́ние похва́льное дерзну́хом принести́ тебе́,
но оскудева́ет сло́во на́ше и недоумева́ет ум, ка́-
ко глаго́лати; оба́че сло́во твоё прему́дрое,
мно́гих исхити́вшее от неве́жества и
идолонече́стия, возстavlя́ет нас. Даждь нам сло́-
во твоё, во е́же пе́ти уди́вльшему на тебе́ вели́-
чия Своя́ Бо́гу: Аллилу́иа.

Икос 11

Светоприѣмную́ ты свещу́, ме́чным усече́нием
погашѣнную, но на све́щнице Небе́снем пред
Престо́лом Святы́я Трои́цы поста́вленную, ви́-
девше Святы́и А́нгели, поклони́шася Живу́щему
во ве́ки и, получи́вше от Влады́ки повелѣние,

дѣвственное тѣло твоѣ на горѣ Синайстей погребѣша, да не видимо бѣдет, якоже сама хотѣла еси, врагомъ Господнимъ. Мы же песнь сию возсылаемъ ти:

Радуйся, солнцеобразная дѣво, на Небеса́ дѣхомъ возшедшая;

радуйся, Сиона́ Горняго достигшая.

Радуйся, вѣнче доброты в рѣце Господни;

радуйся, чаше, от обилія́ дому́ Божія́ черплющая радость.

Радуйся, к скинии нерукотворенней, вѣчной приближившаяся;

радуйся, на горѣ законней почивающая тѣломъ.

Радуйся, яко тамо видена быша шествія́ Бѣга Синаина, Бѣга Иаковля;

радуйся, мѣста боговиденія Моисеева одержаніе.

Радуйся, ревности Илины́ указаніе;

радуйся, купины́ негоряемой явленіе.

Радуйся, дѣво, Дѣве Царице, в ризы позлащенны одѣянной, преиспещренной вслѣдствующая;

ра́дуйся, я́ко тобо́ю Сый воспева́ется посреде́
дев тимпа́нниц.

Ра́дуйся, я́ко на тебе́ велеле́пота Его́;

ра́дуйся, Престо́ла Ве́чнаго предста́тельница.

Ра́дуйся, от хра́ма вселе́нныя моли́твенники к
тебе́ назира́ющая;

ра́дуйся, кади́ло моли́тв Вы́шнему о нас
благоприя́тное.

Ра́дуйся, Екатери́но, невесто́ Христо́ва
прему́драя.

Кондак 12

Благода́ть дана́ тебе́ от Бо́га руково́дствовати
к позна́нию и́стины Его́, в та́йне сокрове́нной, и
да́ти всем я́же к по́льзе проше́ния. Те́мже мы,
помраче́ннии, умиле́нно про́сим тя, му́драя де́во:
просвети́ умныя на́ши о́чи и положи́ нам к Небе-
си́ стезю́ прохо́дну, да поём с тобо́ю ны́не и во
вся ве́ки Еди́ному Прему́дрому: Аллилу́иа.

Икос 12

Пою́ще крѣпкия твоя́ му́ченическа́я по́двиги,
хва́лим тя, я́ко одушевле́нный сосу́д спасе́ния
челове́ков: твои́м бо ра́зумом Бог прему́дрость
прему́дых ве́ка сего́ погуби́; тобо́ю вити́й при-

звѣ в языкъ свят, в люди обновленія, яко тем
страдати за Христа. Просвети и нас, благая де-
во, помраченных, да зове́м ти:

Ра́дуйся, зерка́ло Бо́жия му́дрости;
ра́дуйся, си́лою Вы́шняго оде́янная.

Ра́дуйся, подви́жнице, е́леем ра́дования
умаще́нная;

ра́дуйся, воево́до, полк Бо́жий к вѣчному
вели́честву предпосла́вшая.

Ра́дуйся, во свѣтлости святы́я вше́дшая;
ра́дуйся, во свѣте непристу́пнем Живу́щему в
лице пла́менных слуг предста́вшая.

Ра́дуйся, гром трисвята́го пѣнія гласом своим
умножа́ющая;

ра́дуйся, неизрече́нную сла́дость добро́ты
вкуша́ющая.

Ра́дуйся, яко хвала́ и ра́дование над главо́ю
твое́ю;

ра́дуйся, яко вѣчная сла́ва тебѣ объе́млет.

Ра́дуйся, от Триипоста́снаго Божества́ венце́м
Небе́снаго Ца́рствія увенча́нная;

ра́дуйся, благода́ти и безконече́нной сла́вы нам
хода́таице.

Ра́дуйся, Ека́тери́но, неvéсто Христо́ва
прему́драя.

Кондак 13

О свята́я великомученице Ека́тери́но! Приими́
си́е похва́льное пе́ние и изба́ви нас от враг ви́ди-
мых и неви́димых и от вéчнаго мучéния твои́м
благоприя́тным ходата́йством сохрани́, да с то-
бо́ю при́сно поём Бо́гу: Аллилу́иа.

Этот кондак читается трижды, зате́м 1-й
икос «А́нгелом ра́вную...» и 1-й кондак
«Изра́нную и венча́нную де́ву...».

Моли́тва

О свята́я Ека́тери́но, де́во и мученице,
и́стинная Христо́ва неvéсто! Мо́лим тя чрез
особли́вую благода́ть, е́юже предвари́ тя Жени́х
твой, Сладча́йший Иису́с: я́коже посрами́вши
пре́лести мучи́теля, му́дростию твоёю пятьдесят
вითий победи́ла еси́ и, напои́вши их Небе́сным
уче́нием, к свéту и́стинныя ве́ры наста́вила еси́,
та́ко испроси́ и нам о́ную Бо́жию му́дрость, да и
мы, расто́ргнувше вся ко́зни а́дскаго мучи́теля и
презрёв ми́ра и плóти собла́зны, досто́йны
яв́имся Божéственныя сла́вы и к разшире́нию

святѣя́ на́шея правосла́вныя вѣры сосúды
достóйны содѣлаемся, и с тобо́ю в Небѣсной
ски́нии Го́спода и Влады́ку на́шего Иису́са Хри-
ста́ хва́лим и прославляем во вся вѣки. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
НЕБО